



SINDIKAT METALACA FEDERACIJE BOSNE I HERCEGOVINE

Sarajevo, Obala Kulina bana 1

Tel./Fax.: ++ 387 33 20 01 76; Email: info@smfbih.ba

Web: www.smfbih.ba

Broj: 01-49-IV/25

Sarajevo, 30.04.2025. godine

SREDSTVIMA INFORMISANJA

Predmet

SAOPŠTENJE ZA JAVNOST

Sindikat metalaca Federacije BiH povodom 1. maja – Međunarodnog praznika rada

RADNICI METALNE INDUSTRIJE ZASLUŽUJU POŠTOVANJE, PRAVA I DOSTOJANSTVEN ŽIVOT!

Na 1. maj, Međunarodni praznik rada, Sindikat metalaca Federacije BiH ponosno podsjeća na historijsku borbu radničke klase, ali i jasno poručuje: borba za prava radnika nije završena – ona traje i trajaće svakog dana, u svakoj firmi, u svakoj proizvodnoj hali!

Radnici u metalnoj industriji su kičma razvoja ove zemlje – oni svojim rukama i znanjem stvaraju novu vrijednost, izvoze, hrane porodice, ali su često među najugroženijima.

Dva ključna zahtjeva našeg sindikata bili su:

- Minimalna plata od 1.000 KM – ostvareno kao rezultat upornog zajedničkog sindikalnog djelovanja!
- Zaustavljanje zloupotreba ugovora o radu na određeno vrijeme – borba koju ćemo zajedno dovesti do kraja!

U ime radnika metalne industrije, jasno poručujemo:

- Prošlo je vrijeme mizernih plata!
- Prošlo je vrijeme prekovremenog rada koji se ne priznaje i ne plaća!
- Prošlo je vrijeme nesigurnosti i stalnog rada „od ugovora do ugovora“!
- Prošlo je vrijeme ignorisanja sindikalnih prava i opstrukcija organizovanja unutar firmi!
- Prošlo je vrijeme rada bez zaštite, bez ozljednih listova, bez beneficiranog staža u poslovima koji ugrožavaju zdravlje i život!

Ne možemo i nećemo šutjeti dok 200.000 radnika, mahom u realnom sektoru, prima platu koja je trećina potrošačke korpe, dok pojedini poslodavci voze automobile skuplje od godišnje plate svojih radnika!

Podržavamo reforme Vlade FBiH koje bi, pored rasterećenja poslodavaca, morale imati efekat dodatnog poboljšanja materijalnog statusa radnika.

Od Udruženja poslodavaca tražimo da hitno počnemo pregovore o povećanju plata i materijalnih prava radnika!

Mi smo sindikat koji ne pravi kompromise na štetu radnika.

Mi smo sindikat koji neće stati!

Za nas, borba za prava radnika nije fraza – to je svakodnevna obaveza.

Zato pozivamo sve radnike metalnog sektora: ujedinite se, budite dio sindikata, budite dio borbe! Samo zajedno možemo zaštititi ono što su generacije prije nas izborile, i izboriti ono što generacije poslije nas zaslužuju!

Za dostojanstvo metalaca, za poštenu platu, za rad bez straha – nastavljamo dalje!

Sretan 1. maj – praznik rada, ponosa i otpora!

Dostavljeno:

- Naslovu;
- a/a



PREDSJEDNIK SM FBiH

Almir Salihović

